

Il lader intelligent



Igl era ina giada in lader che aveva engulà ina pipa. El era vegnì traplà e serrà en praschun. Mintga di pensava el co far per pudair scappar. Ma la guardia da la praschun al survegliava bain. In di ha el supplitgà la guardia d'al manar avant il retg – el veglia regalar insatge a quel.

«Pertge vegns Ti tar mai» dumonda il retg. «Jeu vuless as regalar ina custaikladad», respunda il lader. El prenda natiers in pachetin ed al surdat al retg. «Quai è gea i simpel granin d'in pair», di quel. «Gea, glez è'gl», respunda il lader, «però betg in da mintga di! Igl è ina custaikladad: tgi che semna

quel, raccolta paira dad aur!» «Pertge n'al has Ti betg semnà tez?» vul il retg savair.

«Perquai che sulettain perunas che n'han betg engulà al pon semnar, uschiglio porta el be (angal) paira normala. Jau sun in lader ed hai damai nagina schanza. Perquai al porta a Vus, pertge Vus, signur retg, avais per franc anc mai engulà.»

«Na, na, quai na va betg», di il retg. Ad el vegn endament che cura ch'el era in mattaschet aveva el engulà ina giada daners da sia mamma.

Il lader propona il chancelier. «Na, na», di era quel. El sa laschava adina cumprar e laschava d'aver mintgin che aveva raps in funcziunari. E quel che n'aveva nagins raps pudeva esser anc schi bun – el na daventava mai funcziunari.

Il lader propona il general.

«Na, na», di era quel. El engulava en mintga battaglia la mesadad dal sold dals schuldads.

Il lader propona il derschader. «Na, na», respunda era quel. El na dumandava mai tgi che aveva dretg u entort, mabain adina: raps u betg. Quel che deva raps ad el aveva adina dretg.

Qua propona il lader il manader da la praschun. «Na, na», di er quel e secassa il chau. A mintga malfaschent dumandava el schi'el haja anc daners. Schi'el aveva alura vegniva el tractà pli bain – n'aveva el naginas, lura pover el».

Il lader ha cuntinuà a far propostas, però nagin na vuleva semnar il granin dal pair. Qua ha el cumenzà a rir. «Vus tuts engulais e na vegnis mai en praschun! Jau vai engulà be (angal) ina pipa e vegn serrà en. Qua n'ha il retg savì responder nagut ed al ha laschà liber. (praula chinaisa)